



Arkiivaášši-dok. 17/00012-13 Arkiivakoda. 13
Áššemeannudeaddji Johan Ailo Mattias Kalstad

Áššejohtu Čoahkkinbeaivi
Allaskuvlastivra 2015-2019

S-06/18

BUDSJETT 2018 OG DISPONERING AV REGNSKAPSRESULTATET 2017

Mearrádusa/mearrádusárvalusa evttohus:

Stivra duođašta bušeahttajagi 2017 dábálaš juolludusa juogustusa, nugo ovdanbohtá stivrra mearrádusas áššis S52/17. Juolludusjuogustusa atnit netto bušeahttarámman, ja vurdojuvvo ahte eará ruhtadeapmi gokčá goluid mat leat badjel mearriduvvon rámma.

Sámi allaskuvllas lei 10,75 miljovdna geavatkehtes dábálaš MD-juolludussan 31.12.2017. Stivra addá allaskuvladirektevrii fápmudusa juogadit daid ruđaid nugo ovdanbohtá áššečilgehusa evttohusas.

Čoahkkáigeassu
Skriv inn sammendrag her.

Mildosat:
Skriv inn vedlegg her

Áššecilgehus:

Stivra mearridii stivraáššis 52/17 bušeahhtajagi 2018 dábalaš juolludeami gaskaboddosaš juogustusa. Mearrádusas boahdá ovdan ahte loahpalaš juolludusjuogustus ja bušeahtta meannuduvvojit stivrras njukčamánu 2018:s, maŋgil go loahpalaš juolludusreive lea vuostáiváldon ja ja 2017 jahkereketdoallu lea loahpahuuvon. Juolludusreivves eai lean spiehkasteamit ráđđehusa stádabušeahttaevttohusa ektui, man vuodul stivrra juovlamánu mearrádus lei dahkkon.

Direktevrras ii leat dan dihte dássázii makkárga ágga rievdadit mearriduvvon bušeahtta, ovdal go geavatkeahtes ruđaid leat juohkan. Deattuhuvvo ankke ahte leat leamašan stuora molsašumit ekonomijjaossodagas, seammás go ođđajagi rájes lea leamašan mearkkašahtti ollu buohccindieđiheamit guovddáš ekonomijjabargiid gaskkas. Direktetra váruha danin ahte bušeahtta soitet ođđasit fertet gieđahallat geassemánu čoahkkimis, jus čájehuvvo ahte eavttut eai leat ollislaččat dahje ahte ođđa dieđut dagahit ahte rievdademiide lea dárbu.

Juogustus nugo ovdanboahdá stivraáššis S52/17:

2018	Rektoráhta	Stivra	Dutkan	GSBD Goahti	OJ Goahti	LG/Ovttas
Bálgágolut	1 308 270	-	4 279 005	17 799 236	13 143 666	6 358 625
Doaibmagolut	200 000	-	772 500	695 000	435 000	94 649
Eará golut	220 000	1 320 000	401 295	608 733	1 321 334	1 889 726
Oppalaš golut	1 728 270	1 320 000	5 452 800	19 102 969	14 900 000	8 343 000
Oassi	1,73 %	1,32 %	5,46 %	19,12 %	14,91 %	8,35 %

2018	Hálddahus	Oktasaš golut	HO golut	Oppalaš golut
Bálgágolut	16 924 622	2 831 420	19 756 043	62 644 844
Doaibmagolut	1 050 350	20 635 000	21 685 350	23 882 499
Eará golut	0	7 619 400	7 619 400	13 380 488
Oppalaš golut	17 974 972	31 085 820	49 060 793	99 907 831
Oassi	17,99 %	31,11 %	49,11 %	100,00 %

Juolludusjuogustusa atnit netto bušeahhtarámman, ja vurdojuvvo ahte eará ruhtadeapmi galgá gokčat goluid mat leat badjel mearriduvvon rámma. Deattuhuvvo ahte vurjojuvvo ahte golut, mat leat vuosihuvvon bajábealde, gokčojuvvojit sihke dábalaš juolludemiin, NMR-šiehtadusa ruđain ja BOA-sisabođuin.

Geavatkeahtes ruđaid háliden

Sámi allaskuvllas ledje 31.12.2017 10,75 miljovna ruvno geavatkeahtes dábalaš MD-ruhtan. Direktetra evttoha ahte daid váldonjuolggaduslaččat vuoruhá oahpaheaddjeoahpuid gaskaboddosaš nannemii, gaskaboddosaš doaibmannávccaide rekrutteren- ja internašunaliserenbargguid olis ja gaskaboddosaš doaibmannávccaide álggahuuvon buoridan- ja nuppástuhttinproseassaid olis.

Oahpaheaddjeoahpuin leat vásihan ollu alladeappot studeantalogu go maid ledje vuordán. 2017 čavčča ledje 91 studeanta dain iešguđetlágán oahpuin. Oallugiin sis lea maiddá ovdalaččas lassin oahpaheaddjeoahppu, ja leat dan geažil ožžon dohkkehuvvot sisheiveheami iešguđet dásiide vuodđoskuvlaoahpuin. Allaskuvllas lei seammás oanehis áigi dárbbalaš ráhkanemiide, dan sivas go

NOKUT:a akkrediteren lei sajis easka manjit 2017 giđa. Dat lea dagahan stuora hástalusaid ja kompleksitehta mii gáibida stuorát resurssaid go vurdojuvvon koordineremii, studeanttaid bargohárjehallamiid čuovvoleapmái, obbalaš hálldahuslaš doaimmaide jna. Direktvevra evttoha dan geažil ahte juolluduvvo ruhta bálkáhít konsuleanta/ráđđeaddi gii sáhtá doarjut goađi jođihangotti 12 mánu, vai goahti nagoda duohpat dan mii lea báhcán. Ferte de 2019 bušehttaproseassa olis árvoštallat galgágo dán doaibmannávcca dahkat bissovažžan.

Sámi allaskuvla oaččui 2017 juovlamánus 200 000 ruvdnosaš lassii juolludeami MD:s čadnon oahpaheaddjeoahpuid rekrutteremii. Evttohuvvu sirdit daid 2018:i, nugo áigumuš juolludemiin leige.

Evttohuvvu bálkáhít gaskaboddosaš konsuleanta/ráđđeaddi nannet internašunaliseren- ja rekrutterenbargguid 12 mánu. Dálá dilis ii leat Sámi allaskuvllas oktage gii dainna bargá ollesáiggi. Čujuhuvvo dán oktavuodas cealkámuššii juolludemiide olggobealde rámma, maid stivra meannudii golggotmánus 2017 (stivraášši s 37/17). Sámi allaskuvla lea dieđihan MD:ii dárbbu juste dán vástes lasi ruđa dábálaš juolludeamis. Jus Sámi allaskuvlla cealkámuš dohkkehuvvo, de dat dahká vejolažžan dakkár doaibmannávcca bissovažžan oažžut. Dasa lassii čujuhuvvo ovdánahttinšiehtadusa evttohussii (stivraášši S-7/18), mas internašunaliserema evttohit leat okta ovdánahttinmihtuin.

Sámi allaskuvllas lea dárbu nannet gulahallanbargguid. Ovdamearkka dihte vuhtto ruovttusiiddus ahte lea sakka bázahallan, dat ii leat áigeovuodil ja dan lea lossat doaimmahit. Sámi allaskuvllas leat dasa lassii geahnohis struktuvrrat mat dorjjoše doaibmilis sosiála mediain ja audiovisuála gulahallama. Dán oktavuodas čujuhuvvo erenoamážit dasa ahte Sámi allaskuvllas leat hástalusat olahit nuorra vejolaš ohcciid. Evttohuvvu danin ahte luvvejuvvu ruhta bálkáhít konsuleanta/ráđđeaddi gaskaboddosaš 50%-virgái 12 mánnui. Dasa lassii addo ruhta viežžat dárbbalaš doarjaga ásaheaddi olggobealde.

Sámi allaskuvla lea johtui bidjan ollu nanu strategalaš nuppástuhttin- ja buoridanproseassaid mat gáibidit čuovvoleami ja proseassajođiheami. Dálá dilis gártet eanas dán bargguin direktvevrra duohká, danin go hálldahuslaš ossodagain leat unnán bargonávccat juolludit doaimmaide mat leat lassii dábálaš doaimmaide (geahča omd. guorahallama čađahuvvon bargoveahkaplána olis, stivraášši 38/17). Dat mielddisbuktá vára ahte dát proseassat eai čađahuvvo doarvái bures dahje ahte direktvevra darvána áššemeannudemiide ja massá oppalašgeahčastaga. Árvaluvvo danin ahte bálkáhuvvo ráđđeaddi 12 mánnosaš gaskaboddosaš virgái. Dát ráđđeaddi sáhtá maiddá jođihit dárbbalaš buoridanbargguid, nugo hábmet bargodábiid (rutiinaid), prosedyraid jna. Ovdamearkka dihte lea dárbbalaš nanusmahttit prošeaktačuovvolemiid, vai dábálaš doaimmat ja prošeavttat buorebut oktiivástidišgohtet (geahča omd. hástalusaid mat leat namuhuvvon jagi 2017 jahkereketdoalu olis, stivraášši 05/18).

Evttohuvvu ahte sirdojuvvojit ruđat investerenbušehtti, mat vástidit jagi 2017 geavatkeahkes investerenruđa. Ruđat leat geavatkeahhtá manjideamiid dihte go rámmašiehtadus ii leat boahhtán čadnon, mii lea čadnon earet eará AV-reaidduide.

Evttohuvo maiddáa várret ruđa sierra stivračoahkkimii čakčamánuš, meannudit njunušjodiheddjestruktuvrra (geahča sierra áššedigaštallama dán čoahkkimis). Buhtadusat ollesbeaivvečoahkkima olis gártet 100 000 r., ja ruhta mii báhcá gokčá mátkegoluid, dulkoma jna.

Árvaluvvo vel várret 1 000 000 r. strategalaš ruhtan ja dorvvolašvuodamunnin. Dat addá direktievrii muni vuoruhit dárbbalaš doaibmabijuid, ovdamearkka dihte nuppástuhttinproseassaid oktavuođas ja vuorddekeahtes kapasitehtahástalusaid olis sihke hálddahusa- ja fágabealis. Hálddahus vásihii jagis 2017 ahte váilevaš lihkadanmuni dagahii hástalusaid ja dárbbášmeahtun eahpesihkarvuoda go bohciidit vuorddekeahtes dáhpáhusat, omd. čadnon personálaáššiide main lea dárbu viežžat juridihkalaš doarjaga ásahusa olggobealde. Čujuhuvvo dán oktavuođas maiddáa dieđuide mat Máhtdepartemeanttas bohte etáhtastivrračoahkkimis 2017 geassemánuš, gos čujuhedje ahte stivra galggašii bargat lasihit strategalaš lihkadanmuni.

1. Sámi oahpaheddjiid ja eamiálbmotjournalistihka goađi hálddahuslaš doaibmannávccaid gaskaboddosaš nannen:	
- Konsuleanta-/ráđđeaddivirgi (mearreáigásašvirgi)	700 000 r.
2. Sirdin nugo jagi 2017 juovlamánu juolludusreivves ovdanbohtá	
- Rekrutterendoaimmat oahpaheaddjeoahpuide	200 000 r.
3. Rekrutterema/internašunaliserema gaskaboddosaš nannen	700 000 r.
- Konsuleanta-/ráđđeaddivirgi	
4. Gulahallama nannen:	
- 50%-virgi ráđđeaddin (mearreáigásašvirgi)	350 000 r.
- Olggobealde doarjja	200 000 r.
5. Direktievrra bargogotti/proseassajodihemi gaskaboddosaš nannen:	
- Konsuleanta-/ráđđeaddivirgi	700 000
r.	
6. Geavatkeahtes ruđaid sirdin 2017 investerenulbmiliidda	
1 900 000 r.	
7. Liige stivračoahkin	150 000 r.
8. Strategalaš ruđat/dorvvolašvuodamunni	1
000 000 r.	
Obbalaččat	5 900 000 r.

li oktage dain evttohuvvon doaibmabijuin mielddisbuvtte bstevaš lasáhusaid gollodássái, daningo dasa ii gávdno gokčanmunni dábálaš juolludeamis. Galgá goitge árvoštallot galgágo evttohuvvon virggiid dahkat bissovažžan dahje guhkidit jagi 2019 bušeahta oktavuodas. Čujuhuvvo dán oktavuodas earet eará ráđđehusa vuordámušaide unnit geavahit gaskaboddosaš virggiid.

Obbalaš supmi gártá 5,9 miljovna ruvdnon. Evttohuvvo ahte ruhta mii báhcá sirdojuvvo jahkái 2019 vai saddje strategalaš doaibmanliibba ja vai lea dorvvolašvuodamunni. Stivra sáhtta maiddáai välljet háldet oasi ruđain dahje buot ruđa boahttevaš stivračoahkkimiin 2018:s.